

Молитва, изменяющая судьбы.

Сядьте лицом к свече, лампе или окну, сложите руки на груди молитвенным жестом, положите перед собой лист с молитвой и громко, нараспев прочитайте ее два раза подряд, а третий раз прочитайте молча про себя.

Возбранный Чудотворче и изрядный угодниче Христов, Отче Николае! Миру всему источая многоценное милости миро, и неисчерпаемое чудес море, крепости духовные уставляеши, и я восхваляю тя любовию, преблаженне Святителю Николае:

Ты же яко имея дерзновение ко Господу, от всяких мя бед свободи, да зову ти:

Радуйся, Николае, великий Чудотворче! Три раза.

Ангела образом, земного суца естеством яви тебе всея твари Создателя; благоплодную бо доброту души твоя провидев, преблаженне Николае, научи всех водити тебе сице:

Радуйся, во одеяниях ангельских рожденный, якоже во плоти чист; Радуйся, и водою и огнем крещенный, якоже во плоти свят.

Радуйся, рождением своим родителей удививый; радуйся силу душевную абие по рождестве явивый. Радуйся саде земли обетования; радуйся цвете Божественного саждения. Радуйся, лозо добродетельная винограда Христова; радуйся древо чудоточное рая Иисусова, Радуйся, крине райского прозабения; радуйся, миро Христова благоухания. Радуйся, яко тобою отгонится рыдание; радуйся, яко тобою приносится радование.

Радуйся, Николае, великий Чудотворче! Три раза.

Радуйся, образе агнцев и пастырей; радуйся, святое очистилище нравов. Радуйся, добродетелей великих вместилище; радуйся, святыни чистое и честное жилище! Радуйся, святильнице всесветлый с вселюбимый Радуйся свете златозарный и непорочный! Радуйся, достойный ангелов собеседниче; радуйся, добрый человеков наставниче! Радуйся, правило веры благочестивыя; радуйся, образе кротости духовныя! Радуйся, яко тобою со страстей телесных избавляемся; радуйся, яко тобою сладостей духовных исполняемся!

Радуйся, Николае, великий Чудотворче! Три раза.

Радуйся, избавление от печали; радуйся, подающий благодати. Радуйся, нечаемых зол прогонителю; радуйся, желаемых благих насадителю. Радуйся, скорый утешителю в беде сущих; радуйся, страшный наказателю обидящих. Радуйся, чудес пучина. Богом излианная; радуйся, закона Христова скрижаль Богом писанная. Радуйся, крепкое падающих возведение, радуйся, право стоящих утверждение. Радуйся, яко тобою всякая лесь обнажается; радуйся, яко тобою всякая истина сбывается.

Радуйся, Николае, великий Чудотворче! Три раза.

Радуйся, всяких исцелений источниче! Радуйся люте страждущим помошнице! Радуйся, заре сияющая а ноци греховной блуждающей; радуйся, росе неботочная в знои трудов сущим! Радуйся, подаваяя требующим благостроение; радуйся, помогаяя просящим изобилие! Радуйся, многожды прошение предваряяя; радуйся, старым сединам силу обновляяя! Радуйся, многих заблуждений от пути истинного обличителю; радуйся, тайн Божиих верный служителю. Радуйся, яко тобою зависть попираем; радуйся, яко тобою благонравное житие исправляем.

Радуйся, Николае, великий Чудотворче! Три раза.

Радуйся, от убожества вечного изымаяя; радуйся, богатство нетленное подаваяя! Радуйся, брашно негиблющее алчущим правды; радуйся, питие неисчерпаемое жаждущим жизни! Радуйся, от мятежа и брани соблюдаяя; радуйся, от уз и пленения освобождаяя! Радуйся, преславный в бедах заступниче; радуйся, превеликий в напастях защитниче!

Радуйся, Николае, великий Чудотворче! Три раза.

Радуйся, озрение Трисолнечного света; радуйся, деннице незаходимого солнца! Радуйся, свече божественным пламенем возженная; радуйся, яко угасил еси бесовский пламень нечестия! Радуйся, молние, ереси пожигающая; радуйся, гrome устрашающий соблазняющих! Радуйся, истиннаго научителю разума; радуйся, таинственного изъяснителю ума! Радуйся, яко тобою попрано поклонение твари; радуйся, яко тобою научимся поклоняться Творцу в Троице!

Радуйся, Николае, великий Чудотворче! Три раза.

Радуйся, всех добродетелей зеркало; радуйся, всех притекающих к тебе крепкое забрало! Радуйся, по Бозе и Богородице все наше упование; радуйся, телес наших здравие и душ спасение! Радуйся, яко тобою от вечныя смерти освобождаемся; радуйся, яко тобою бесконечныя жизни сподобляемся!

Радуйся, Николае, великий Чудотворче! Три раза.

О пресветлый и пречудный отче Николае, утешение всех скорбящих, нынешнее наше прими приношение, и от геены избавитися нам Господа умоли, богоприятным твоим ходатайством, да тобою Воспеваем-Аллилуйя, Аллилуйя, Аллилуйя, Аллилуйя!

Возбранный Чудотворче и изрядный угодниче Христов, отче Николае! Миру всему источая многоценное милости миро, и неисчерпаемое чудес море, крепости духовные усталаеши, и я восхваляю тя любовию, преблаженне Святителю Николае; ты же яко имея дерзновение ко Господу, от всяких мя бед освободи, да зову ти-
Радуйся, Николае, великий Чудотворче! Три раза.

Повторять в течении 40 дней утром или вечером.